

Тошкент ш.

«01» Март 2024 йил.

«SMART MARKETPLACE» МЧЖ (кейинги ўринларда «Хизмат кўрсатувчи» ёки «Ижрочи») Устав асосида фаолият кўрсатувчи директор Алимов Азимжон Насимович номидан Online-bozor.uz ахборот тизими орқали қуйидаги шартлар асосида хизмат кўрсатишни таклиф этади.

Ушбу оммавий оферта Ўзбекистон Республикаси Фуқаролик Кодексининг 369-моддаси асосида тузилган бўлиб, Online-bozor.uz тизими орқали товар/маҳсулот ва хизматларни сотиш ҳамда сотиб олиш бўйича ахборот хизматларни кўрсатиш таклифини ўз ичига олади.

## 1. АТАМАЛАР ВА ТУШУНЧАЛАР

1.1. Мазкур Оммавий офертада қуйидаги атама ва тушунчалардан фойдаланилган:

**Ахборот тизими** («Online-bozor.uz») – бозор тамойиллари асосида маҳсулот ва хизматларни эркин сотиш ёки сотиб олиш имконини берадиган дастурий маҳсулот.

**Шахсий кабинет** – ахборот тизимида маҳсулот ва хизматларни сотиш, сотиб олиш, тўловлар тўғрисида маълумот бериш, буюртмаларни амалга ошириш ва бошқа турдаги хизматлардан фойдаланиш учун яратилган дастурий интерфейс.

**Таъминотчи/Сотувчи** – ахборот тизимидан фойдаланган ҳолда товарларни (ишларни, хизматларни) сотувчи тадбиркорлик фаолияти субъекти.

**Харидор** – пировард истеъмол, тижорат мақсадларида фойдаланиш, ўзининг ишлаб чиқариш-ҳўжалик эҳтиёжлари учун ахборот тизимидан фойдаланган ҳолда товарларни (ишларни, хизматларни) сотиб олувчи жисмоний шахс ёки тадбиркорлик фаолияти субъектлари (Ўзбекистон Республикасининг резидентлари ва норезидентлари).

**Воситачи ташкилот** – ахборот тизимида Харидор сифатида рўйхатдан ўтган субъектнинг тўлов қобилиятини текшириш (баҳолаш) ва Харидорнинг Ахборот тизими орқали Таъминотчи (сотувчи)дан Маҳсулотни бўлиб-бўлиб тўлаш шarti билан сотиб олиш учун Банкдан микроқарз/кредит олиш жараёнини автоматлаштириш учун яратилган платформага эга бўлган юридик шахс.

**Пул маблағларини депонентлаш** (бундан буюн матнда «эскроу» хизмати деб юритилиши мумкин) – харидорнинг тўланган пул маблағларини шартномага доир тегишли мажбуриятлар тўлиқ бажарилгунигача қадар ушлаб туриш хизматидир.

**Электрон рақамли имзо (ЭРИ)** – ёпиқ калитидан фойдаланган ҳолда электрон ҳужжатдаги ахборотни махсус ўзгартириш натижасида ҳосил қилинган ҳамда очиқ калит ёрдамида электрон ҳужжатдаги ахборотда ўзгариш йўқлигини аниқлаш ва ёпиқ калит эгасини идентификация қилиш имкониятини берадиган имзо.

**Акцепт** – ҳуқуқий оқибатларга эга бўлган таклифда келтирилган шартлар асосида шартнома тузишга оид таклиф (оферта) билан розилик.

**Томонлар** - ушбу офертанинг томонлари биргалиқда Хизмат кўрсатувчи, Таъминотчи ва Харидордир;

**Шахсга доир маълумотлар** - электрон, қоғоз ва (ёки) бошқа моддий ташувчиларда қайд этилган аниқ жисмоний шахсга тегишли ушбу Шартнома билан тартибга солинадиган маълумотлар;

**Шахсга доир маълумотларни тўплаш** - шахсий маълумотларни олишга қаратилган ҳаракатлар;

**Шахсга доир маълумотларни қайта ишлаш** - шахсий маълумотларни тўплаш, сақлаш, ўзгартириш, қўшиш, фойдаланиш, тарқатиш, шахсийлаштириш, блокировка қилиш ва йўқ қилишга қаратилган ҳаракатлар;

Офертанинг ушбу бўлимда белгиланганмаган атамалардан Офертада фойдаланиш мумкин. Бу ҳолда, бундай атаманинг талқини Оферта матнига мувофиқ амалга оширилади. Агар атамани аниқ маъноли

талқини Шартнома матнида бўлмаганда, биринчи навбатда Ўзбекистон Республикаси қонунчилиги билан, иккинчи навбатда, Интернетда белгиланган талқин (умумий ишлатиладиган) амал қилиш керак.

## 2. ОФЕРТАНИ ТАСДИҚЛАШ (АКЦЕПТЛАШ)

2.1. Ушбу хизматлардан фойдаланиш учун мазкур Оферта шартларига тўлиқ розилик билдирилиши ва қабул қилиниши лозим.

2.2. Таъминотчи томонидан интернет тармоғидаги Online-bozor.uz электрон манзилида жойлашган электрон савдо майдончасида тегишли тартибда рўйхатдан ўтиб, электрон рақамли имзоси ёрдамида мазкур офертани имзолагандан сўнг, Харидор эса кўрсатилган манзилда жойлашган электрон савдо майдончасида тегишли тартибда рўйхатдан ўтиб, ушбу оферта билан танишганликни тасдиқловчи ҳаракатни (тегишли белги (галочка) қўйиш) амалга ошириши Таъминотчи ва/ёки Харидорнинг ушбу Оферта шартларига тўлиқ розилигини (акцептланганини) билдиради.

## 3. ОФЕРТАНИНГ ПРЕДМЕТИ

3.1. Мазкур Офертага мувофиқ Ижрочи online-bozor.uz ахборот тизими орқали Сотувчига товарлар ва/ёки хизматларни жойлаштириш (Таъминотчи таклифларини қабул қилиш, модерациядан ўтказиш, товарлар ва /ёки хизматлар маълумотлар базасига киритиш), товарлар ва/ёки хизматларни реализация қилиш (етказиб бериш бўйича шартномалар лойиҳалари, ҳисоб-фактуралар ҳамда тегишли хабарномаларни дастурий тарзда тайёрлаш), етказиб берилган товарлар ва/ёки хизматлар учун ҳисоб-китобни амалга ошириш (нақд/нақд пулсиз), реализация натижаларини омборхона ҳисобида акс эттириш бўйича online-bozor.uz ахборот тизими орқали хизмат кўрсатиш, Сотувчи эса тизимдан мазкур Офертада белгиланган тартибда фойдаланиш ва кўрсатилган хизматларнинг ҳақини тўлаш мажбуриятини олади.

3.2. Мазкур Оферта «Таъминотчи» ва/ёки Харидор томонидан акцептланганидан бошлаб кучга киради.

## 4. ХИЗМАТ КўРСАТИШ ШАРТЛАРИ

4.1. Таъминотчи ва/ёки Харидор мазкур Офертани акцептлашдан олдин, Хизмат кўрсатувчининг [Online-bozor.uz](http://Online-bozor.uz) сайтида жойлаштирилган “Шахсга оид маълумотларнинг махфийлик Сиёсати” ва Ахборот тизимидан фойдаланиш шартлари, мазкур Офертанинг мазмуни, шартлари, кўрсатиладиган хизматлар баҳоси ва ҳисоб-китоб қилиш тартиби билан тўлиқ танишиб чиқиши шарт.

4.2. «Таъминотчи» фуқаролик муомаласидан чиқарилмаган ёки электрон тижоратда муомаласи чекланмаган товарлар (ишлар, хизматлар)ни сотиш учун ахборот тизимига жойлаштиради ва жойлаштирилганлиги учун тўлов ундирилмайди.

4.3. Агарда сотувчи маҳсулот ва хизматларини сотиш учун ахборот тизимига жойлаштиришни ўзи амалга ошира олмаса ва буни Ижрочи ташкиллаштиришини хохлаб Ахборот тизимида жойлаштиришда ёрдам олиш қўшимча хизматини фаоллаштириши мумкин.

4.4. Жойлаштирилган маҳсулот ва хизматларнинг амалдаги қонунчиликка мослиги, мазмуни ва тўлиқлиги 1 (бир) иш куни давомида Ижрочининг модераторлари томонидан ўрганиб чиқилади. Ўрганиш натижаси бўйича маҳсулот ва хизматлар ахборот тизимига қабул қилинади ёки сабаблари кўрсатилган ҳолда рад этилади.

4.5. Жойлаштирилган маҳсулот ва хизматларни модератор томонидан кўриб чиқиш натижаси Сотувчининг тизимдаги шахсий кабинетиде кўрсатилади.

4.6. «Таъминотчи» томонидан ахборот тизимида жойлаштирадиган маҳсулотга тегишли зарур маълумотлар (мотороллер, мотокультиватор, тикув машиналарининг мотор, двигатель ёки кузов серия рақами) таъминот шартномаси лойиҳасига киритиш учун хизмат кўрсатувчига тизимнинг тегишли бўлимларига киритиш йўли билан тақдим этилмаса, ахборот тизимида шартнома расмийлаштириш имконияти автоматик тарзда чекланади ва бу маҳсулотларни ахборот тизими орқали сотиш имконсиз бўлади шу боис бундай маҳсулотларни ахборот тизимига жойлаштириш рад этилади

4.7. Товарлар (ишлар, хизматлар) учун харидор томонидан тўловни амалга ошириш чоғида Хизмат кўрсатувчи тўланган пул маблағларини харидордан товарлар (ишлар, хизматлар) олинганлигининг тасдиғи олингунига қадар сақлаш ҳуқуқига эга.

4.8. Хизмат кўрсатувчи «эскроу» хизматини амалга оширишда:

– шартноманинг тегишли шартлари бажарилгунига қадар пул маблағларини банкнинг алоҳида махсус ҳисобварағида сақлаши ёки уларнинг банк картасида депонентланишини таъминлаши;

– депонентланган пул маблағларининг ҳисобга олинишини уларни электрон тижоратдаги муайян шартномаларга боғлаган ҳолда таъминлаши;

– пул маблағлари депонентланганлиги фактига ва улар шартнома тарафларига ўтказилганлиги фактига тааллуқли ахборотни тақдим этиши;

– Электрон тижорат иштирокчиларининг депонентланган пул маблағлари «эскроу» хизматини кўрсатувчининг мулки ҳисобланмайди ва улардан унинг ҳар қандай контрагент олдидаги, шу жумладан давлат олдидаги мажбуриятларни бажариш учун фойдаланилиши мумкин эмас.

«Эскроу» хизматини жорий этишда тегишли шартнома доирасида, агар товар етказиб берилмаса ёки тавсифга мос келмаса, Хизмат кўрсатувчи пул маблағларини харидорга қайтаради (асосли даъво мавжуд бўлганда) ёки, агар товар харидор томонидан олинган ва қабул қилинган бўлса, пул маблағлари сотувчининг ҳисобварағига ўтказилади.

Агар харидор шартнома бўйича мажбуриятларни бажариш муддати тугагач товарлар (ишлар, хизматлар) олинганлиги фактини тасдиқламаса ёки рад этмаса, пул маблағлари шартномада назарда тутилган муддатда автоматик равишда сотувчининг ҳисобварағига ўтказилади.

«Эскроу» хизматини кўрсатишнинг асосий шарти Харидор Товарлар (ишлар, хизматлар) учун тўловни «Таъминотчи» ва Харидор ўртасида тузиладиган таъминот шартномасига асосан тўғридан-тўғри Таъминотчига эмас балки Хизмат кўрсатувчи томонидан очилган банкнинг алоҳида махсус ҳисобварағига ўтказиши лозим.

## 5. МАҲСУЛОТ ЕТКАЗИБ БЕРИШ/ ХИЗМАТ КўРСАТИШ ШАРТНОМАСИ ТУЗИШ

5.1. Ахборот тизимида Харидор томонидан танланган маҳсулот ва хизматлар бўйича буюртма расмийлаштирилгач, таъминот/хизмат кўрсатиш шартномасининг (Кейинги ўринларда – таъминот шартномаси деб юритилади) лойиҳасини тизим электрон шаклда автоматик тайёрлаб беради. Таъминотчига шартноманинг айрим бандларига қўшимча ва ўзгаришлар киритиш имкони берилади.

5.2. Буюртма расмийлаштирилган вақтдан бошлаб Таъминотчига шартнома лойиҳасини кўриб чиқиш ва имзолаш учун 1 (бир) тўлиқ иш куни давомида вақт берилади.

Ушбу муддат ичида Таъминотчи томонидан шартноманинг имзоланмаслиги буюртма бекор қилинишига асос бўлади.

5.3. Таъминотчи томонидан шартнома имзоланган вақтдан бошлаб, Харидорга шартномани имзолаш учун 1 (бир) тўлиқ иш куни давомида вақт берилади.

5.4. Шартнома Таъминотчи ва Харидор томонидан тўлиқ имзоланганидан сўнг юридик кучга эга бўлади ва томонлар ўзларининг шартномавий мажбуриятларини бажаришга киришадилар.

5.5. Таъминотчи шартномада кўрсатилган маҳсулот ёки хизматларни белгиланган муддат ва шартлар бўйича тизимда тайёрланган электрон ҳисоб-фактурага асосан етказиб беради, сотиб олувчи эса маҳсулот ёки хизматларни шартномада кўрсатилган таркиби, миқдори ва сифати бўйича электрон ҳисоб-фактурани ўзининг электрон рақамли имзоси билан имзолаб, қабул қилиб олади.

5.6. Тўлов тартиби Таъминотчи ва Харидор ўртасида ўзаро келишув асосида амалга оширилади, бунда Харидор **эскроу тизимидан** фойдаланиш ҳуқуқиг эга.

5.7. Шартнома, ишончнома ва ҳисобварақ-фактуралар [online-bozorg.uz](http://online-bozorg.uz) ахборот тизими орқали [hujjat.uz](http://hujjat.uz) платформасида расмийлаштирилади ва томонларга юборилади.

## 6. ХИЗМАТ КЎРСАТУВЧИНИНГ ҲУҚУҚ ВА МАЖБУРИЯТЛАРИ

### 6.1. Хизмат кўрсатувчи қўйидаги ҳуқуқларга эга:

- «Таъминотчи»дан етказиб берилган маҳсулот (хизмат) сифатини таъминлаш ва қонунчиликда белгиланган талабларга риоя этишни талаб қилиш;
- Хизмат кўрсатишга тўсқинлик қилаётган техник, технологик ёки бошқа сабаблар аниқланган ҳолда улар бартараф этилгунга қадар «Таъминотчи»га Шартнома шартлари асосида хизмат кўрсатишни вақтинчалик тўхтатиб туриш;
- «Таъминотчи» томонидан Шартнома шартлари бузилган ёки бажарилмаган ҳолда унга хизмат кўрсатишни тўхтатиб қўйиш ҳуқуқига эга;
- бир томонлама мазкур Офертага ўзгартириш киритиш ва тўлов миқдорини қонунчиликда белгиланган миқдорларда ўзгартиришга ҳақли, бунда «Хизмат кўрсатувчи» тегишли ўзгартиришлар тўғрисидаги маълумотни ахборот тизимининг интерфейсида жойлаштириш ёки SMS хабар юбориш йўли билан «Таъминотчи»ни огоҳлантиради;
- Қонунчилик ҳужжатларида белгиланган тартибда «эскроу» хизматини кўрсатиши.
- Ахборот тизимига ёки банк ҳисобварақларига «эскроу» хизматини жорий этиши.
- Товарлар (ишлар, хизматлар) учун харидор томонидан амалга оширилган тўловни харидордан товарлар (ишлар, хизматлар) олинганлигининг тасдиғи олингунга қадар сақлаш.
- Хизмат кўрсатувчи Ўзбекистон Республикасининг тегишли қонунчилик ҳужжатларида белгиланган бошқа ҳуқуқларга ҳам эга бўлиши мумкин

### 6.2. Хизмат кўрсатувчи қўйидаги мажбуриятларга эга:

- Ахборот тизимида рақобат муҳитини шакллантириш, нархларнинг сунъий оширилишига йўл қўймаслик;
- Ахборот тизими орқали сифатли хизмат кўрсатиш;
- Ахборот тизимини такомиллаштириб бориш;
- Депонентланган пул маблағларидан ҳар қандай контрагент олдидаги, шу жумладан давлат олдидаги мажбуриятларни бажариш учун ва қонунчилик ҳужжатларида белигиланмаган ҳар қандай бошқа мақсадларда фойдаланмаслик.
- Хизмат кўрсатувчи Ўзбекистон Республикасининг тегишли қонунчилик ҳужжатларида белгиланган бошқа мажбуриятларга ҳам эга бўлиши мумкин.

## 7. ТАЪМИНОТЧИНИНГ ҲУҚУҚ ВА МАЖБУРИЯТЛАРИ

### 7.1. «Таъминотчи» қўйидаги ҳуқуқларга эга:

- ўзининг маҳсулот (товар) ва хизматларини ахборот тизимига текин жойлаштириш;
- ахборот тизими орқали шакллантириладиган таъминот шартномасининг айрим бандларига қўшимча ва ўзгаришлар киритиш;
- ахборот тизими орқали хизматларни сифатли ва ўз вақтида кўрсатилишини талаб қилиш;
- «Таъминотчи» Ўзбекистон Республикасининг тегишли қонунчилик ҳужжатларида белгиланган бошқа ҳуқуқларга ҳам эга бўлиши мумкин.

### 7.2. «Таъминотчи» қўйидаги мажбуриятларга эга:

- фуқаролик муомаласидан чиқарилган ёки электрон тижоратда реализация қилиниши чекланган товарлар (ишлар, хизматлар)ни ахборот тизимига жойлаштирмаслик, акс ҳолда бундай маҳсулотларни жойлаштирганлик учун тегишли ваколатли органлар олдида мустақил жавобгар бўлиши;
- Рақобатни ривожлантириш ва истеъмолчилар ҳуқуқларини ҳимоя қилиш қўмитаси Савдо-саноат палатаси ҳамда Солиқ қўмитаси томонидан «Таъминотчи»лар томонидан маҳсулот (хизмат)ларнинг ўз вақтида ва сифатли етказиб берилишини таъминлаш юзасидан қучайтирилган назорат ўрнатилганлигини инобатга олиб, бундай ҳолатларга йўл қўймаслик;
- шартнома бўйича ўзига берилган ҳуқуқларини учинчи томонга бермаслик;

- Хизмат кўрсатувчига товарлар (ишлар, хизматлар) Харидор ёки Буюртмачига етказилганлик фактини тасдиқловчи ҳужжатни тақдим этиш.
  - етказиб берилган маҳсулот (хизмат) сифатини таъминлаш ва қонунчиликда белгиланган талабларга риоя этиш;
  - ахборот тизимида жойлаштирадиган маҳсулотга тегишли зарур маълумотларни (мотороллер, мотокультиватор, тикув машиналарининг мотор, двигатель ёки кузов серия рақами)ни киритиш;
  - етказиб берилган маҳсулот (хизмат)да камчилик ва нуқсонлар аниқланганда таъминот шартномасига мувофиқ уларни бартараф этиш;
  - ахборот тизимида малака, техник ҳамда тижорат талабларига жавоб берадиган маҳсулот ва хизматларни жойлаштириш;
  - рақобатга қарши ҳаракатларни содир этмаслик ёки қонунчиликни бузган ҳолда манфаатлар тўқнашувини келтириб чиқармаслик;
  - солиқ ҳисоботида ахборот тизимида жойлаштирадиган тегишли маҳсулотни кирим қилиш;
  - солиқлар ва йиғимларни тўлаш бўйича муддати ўтган қарздорликка йўл қўймаслик.
  - «Таъминотчи» Ўзбекистон Республикасининг тегишли қонунчилик ҳужжатларида белгиланган бошқа мажбуриятларга ҳам эга бўлиши мумкин.
- Юқорида қайд этилган мажбуриятларни бажармаслик «Таъминотчи»ни Ахборот тизимида иштирок этишдан четлатишга ва Ноҳалол таъминотчилар реестрига киритилишга асос бўлади.

## **8. ХАРИДОРНИНГ ҲУҚУҚ ВА МАЖБУРИЯТЛАРИ**

### **8.1. «Харидор» қуйидаги ҳуқуқларга эга:**

- Маҳсулотни Таъминотчи томонидан Харидорга ўтказишдан олдин исталган вақтда рад этиш.
- Сифат етарли бўлмаган сотиб олинган маҳсулотларни Ўзбекистон Республикаси қонунчилигида кўрсатилган тартибда ва шартларда қайтариш.
- етказиб берилган маҳсулот (хизмат)да камчилик ва нуқсонлар аниқланганда таъминот шартномасига мувофиқ уларни бартараф этишни таъминотчидан талаб қилиш;

### **8.2. «Харидор» қуйидаги мажбуриятларга эга:**

- Офертани тузишдан олдин унинг мазмуни ва шартлари, Таъминотчи Ахборот тизимида таклиф қилаётган Товар нархлари, шунингдек, Хизмат кўрсатувчининг <https://online-bozor.uz/> сайтида жойлаштирилган ҳужжатлари билан танишиб чиқиш.
- Таъминотчи Харидор олдидаги мажбуриятларини бажариши учун Харидор товар (хизмат) ларни Харидорга етказиб бериш учун талаб этиладиган барча зарурий маълумотларни тақдим этиши.
- Буюртма қилинган Товар ва унинг етказиб берилишига оид тўловни таъминот Шартномасига кўра амалга ошириш.
- Низоларнинг олдини олиш учун буюртмани расмийлаштириш пайтида хизмат кўратувчи ва таъминотчи томонидан ахборот тизимида жойлаштирган маълумотлар билан танишиш.
- етказиб берилган Товар (хизмат)га тўловни таъминот шартномасида белгиланган муддат ва тартибларда амалга ошириш ва уни қабул қилиш.
- Шахсий кабинетидан ўз akkaунтидан фойдаланган ҳолда амалга оширилган ҳар қандай ҳаракат Харидорнинг ўзи томонидан амалга оширилган ҳаракат деб ҳисобланишини англаши.
- Ўз akkaунти орқали ахборот тизимида ҳаракатларни амалга ошириш орқали у ушбу оферта матни билан танишганлигини тасдиқлайди ва унинг шартларига риоя қилиш мажбуриятини олади.
- Танланган Буюртманинг тўғри бажарилишини (миқдори, танланган Маҳсулот, Маҳсулот миқдори ва бошқалар) тўлов амалга оширилгунга қадар диққат билан текшириш.
- ўз логин (телефон рақами) ва паролни учинчи шахсларга бермаслик мажбуриятини олади ва шу сабабли логин (телефон рақами) ва паролнинг хавфсизлиги учун фақат жавобгардир.

– Шахсий кабинетда ўзи ҳақида тўғри, аниқ ва тўлиқ маълумотларни тақдим этиши ва ушбу маълумотларни янгилаб туриши.

– Харидорнинг akkaунтидан фойдаланган ҳолда Шахсий кабинетга рухсациз (Харидор томонидан рухсат этилмаган) кириш ҳолатлари ва/ёки махфийлик ва Шахсий кабинетга киришнинг ҳар қандай бўзилиши (бўзилиш гумони) тўғрисида дарҳол хизмат кўрсатувчини хабардор қилиши.

– Ахборот тизими орқали сотиб олинган товарлар сифатига оид барча даъволарни таъминотчига бериш.Томонлар қонунчиликда белгиланган бошқа ҳуқуқ ва мажбуриятларга эга бўлишлари мумкин.

## 9. МУАЛЛИФЛИК ҲУҚУҚИ

**9.1.** Ахборот тизими «Хизмат кўрсатувчи»нинг интеллектуал мулки ва тижорат сири ҳисобланади. «Таъминотчи»га ушбу Ахборот тизимидан ўз маҳсулот ёки хизматларини сотиш учун ўзгаришсиз фойдаланиш ҳуқуқи берилади.

**9.2.** «Таъминотчи» ушбу Ахборот тизимини, шунингдек унинг қисмларини, ўзгартириш ёки унинг бирон бир қисмини декомпиляция қилиш, учинчи шахсларга бериш, нашр қилиш ёки бошқа мақсадларда фойдаланиш ҳуқуқига эга эмас, «Хизмат кўрсатувчи»нинг ёзма рухсати мавжудлиги бундан мустасно.

Ушбу офертада назарда тутилмаган масалалар Ўзбекистон Республикасининг тегишли қонунчилик ҳужжатлари билан тартибга солинади.

## 10.ХИЗМАТ КўРСАТИШНИНГ СУММАСИ ВА ҲИСОБ-КИТОБ ҚИЛИШ ТАРТИБИ

**10.1.** Online-bozor.uz ахборот тизими орқали хизмат кўрсатиш ҳақи етказиб берувчи ва харидор ўртасидаги етказиб бериш шартномаси суммасининг 1% миқдорини ташкил қилади.

**10.2.** Ахборот тизими орқали Харидорларга хизмат кўрсатиш учун ҳақ ундирилмайди.

**10.3.** Агарда Таъминотчи товар ва хизматларини ўзи мустақил жойлаштирмасдан жойлаштиришга ёрдам олиш қўшимча хизматини фаоллаштира, хизмат кўрсатиш ҳақи етказиб берувчи ва харидор ўртасидаги етказиб бериш шартномаси суммасининг 1% миқдорини ташкил қилади.

**10.4.** Мазкур оммавий офертага асосан Таъминотчига қўшимча хизматлар кўрсатилиши мумкин қўшимча хизматлар тури ва уларнинг нархлари хизмат кўрсатувчининг <https://online-bozor.uz/> сайтида жойлаштирилган.

**10.5.** Таъминот шартномаси бўйича тўловни Ўзбекистон Республикасининг қонунчилик ҳужжатларида таъқиқланмаган барча усулларда, шунингдек оммавий офертаси ахборот тизимида жойлаштириладиган тўловни бўлиб бўлиб тўлаш имкониятини яратиб берадиган дастурий тизимга эга бўлган юридик шахслар (кейинги ўринларда – “Воситачи ташкилот” деб юритилади) ёрдамида амалга ошириши мумкин.

**10.6.** Агарда тўлов “Воситачи ташкилот” лар орқали бўлиб бўлиб тўланадиган бўлса, Харидор ушбу “Воситачи ташкилот” ларнинг оммавий офертасини акцептлаши лозим уларнинг офертаси Ахборот тизимида жойлаштирилади.

## 11.ТОМОНЛАРНИНГ ЖАВОБГАРЛИГИ

### **11.1. Қуйидаги ҳолатлар учун Ижрочи жавобгар бўлмайди:**

– Ижрочига боғлиқ бўлмаган сабабларга кўра Таъминотчи тизимдаги имкониятлардан фойдалана олмаётгани учун;

– телекоммуникация тармоқларидаги ўзилишлар, носозликлар ва алоқа сифати учун;

– ахборот тизимидан фойдаланиш ёки ундан фойдалана олмаслик, шунингдек учинчи шахсларнинг хато ва камчиликлари сабабли Таъминотчи зарар кўрганда;

– Таъминотчи томонидан ўзининг электрон рақамли имзоси учинчи шахсларга берилиши оқибатида етказилган зарар учун;

– тизимга Харидор ёки Таъминотчи ўзи тўғрисида нотўғри маълумотлар жойлаштирганлиги сабабли етказиб бериш жараёнида кўрилган зарар учун.

– Таъминотчи уч ва ундан ортиқ буюртма бўйича шартнома тузишни рад этган тақдирда, Ижрочи мазкур Таъминотчига хизмат кўрсатмаслик ҳуқуқини ўзида сақлаб қолади.

– Таъминотчи тизим орқали тақдим этган маълумотларнинг мазмуни ва тўғрилиги учун Харидорлар олдида жавобгардир.

– Таъминотчига тегишли бўлган шахсга доир маълумотларни қонунчиликда белгиланган тартибда учинчи шахсларга тақдим этганлик учун.

## 12. НИЗОЛАРНИ ҲАЛ ҚИЛИШ

**12.1.** Томонларнинг мазкур Офертада назарда тутилмаган жавобгарлик чоралари Ўзбекистон Республикасининг амалдаги қонунчилигига мувофиқ белгиланади.

**12.2.** Шартномани бажариш юзасидан томонлар ўртасида келиб чиқадиган низоларни ўзаро келишув йўли билан ҳал қилиш имкони бўлмаганда, даъвогар жойлашган жойдаги тегишли судда ҳал этилиши мумкин.

## 13. АХБОРОТ МАХФИЙЛИГИ

**13.1.** Таъминотчи ўзи ҳақидаги барча маълумотларнинг, шу жумладан шахсий маълумотларининг online-bozor.uz ахборот тизимида сақланиши ва қайта ишланишига розилик беради.

**13.2.** Ижрочи ахборот тизимидаги маълумотларни учинчи шахсларнинг ноқонуний ҳатти-ҳаракатларидан лозим даражада ҳимоялаш мажбуриятини олади.

**13.3.** Шахсга оид маълумотларни қайта ишлаш қоидалари ва тартиби <https://online-bozor.uz/privacy> ҳаволаси бўйича ахборот тизимида эълон қилинган махфийлик сиёсатида белгиланган. Шахсга оид маълумотларни тақдим этиш сиёсатда кўрсатилган барча бандларга тўлиқ ва сўзсиз розиликни англатади.

## 14. ОФЕРТАНИНГ АМАЛ ҚИЛИШ МУДДАТИ

**14.1.** Мазкур Оммавий оферта Ўзбекистон Республикасининг амалдаги қонунчилиги талабларига биноан, оммавий, очиқ-ошкоралик асосида амал қилувчи ҳужжат ҳисобланади.

**14.2.** Ушбу ҳужжат билан тартибга солинмаган барча масалаларда томонлар Ўзбекистон Республикаси қонун ҳужжатларига амал қиладилар

**14.3.** Офертанинг амал қилиш муддати у акцептланган санадан бошлаб, шартнома шартлари тўлиқ бажарилган кунга қадар деб белгиланади.

Ушбу шартнома ўзбек ва рус тилларида тузилган бўлиб, иккала матн ҳам бир хил кучга эга. Битимларнинг матнлари ўртасида номувофиқлик юзага келган тақдирда ўзбек тилидаги матн устунлик қилади.

### ИЖРОЧИ РЕКВИЗИТЛАРИ:

"SMART MARKETPLACE" МЧЖ

Юридик манзили: Тошкент шаҳар,

Юнусобод тумани, Кичик ҳалқа автомобил йўли кўчаси, 38-уй

СТИР: 309095650

Ҳ/Р: 20208000905467385003

МФО: 01095 ASIA ALLIANCE BANK АТБ